

四庫全書

史部

欽定四庫全書

史部

御批歷代通鑑輯覽卷三十八

詳校官侍講臣王燕緒

編修臣裴謙覆勘

總校官進士臣程嘉謨

校對官學錄臣謝登雋

謄錄監生臣汪應鑒

欽定四庫全書

御批歷代通鑑輯覽卷三十八

南北朝

辛未元嘉二十八年魏
卯太平真君十二年

春正月魏師還

正月朔魏主大會羣臣于瓜步山上班爵行賞有差

魏人緣江舉火右衛率尹弘言于宋主曰魏人如此

必走明日果掠居民焚廬舍而去

是月王元謨退還
思城魏人復取碭

敬

宋主殺其弟義康

初胡藩之子誕世反據豫章欲奉前彭城王義康為主前交州刺史檀和之道過豫章擊斬之江夏王義恭等奏義康數有怨言搖動民聽故不逞之族因以生心請徙義康廣州宋主先遣使語之義康曰人生會死吾豈愛生必為亂階雖遠何益請死于此恥復屢遷竟未及往至是魏師在瓜步人情怙懼宋主慮不逞之人復奉義康為亂太子劬及武陵王駿僕射

何尚之屢啓宜早為之所宋主乃遣中書舍人嚴龍就殺之

魏主攻盱眙宋將軍臧質拒之魏師退走二月過彭城宋人追之不及

魏人攻盱眙魏主就臧質求酒質封洩便與之魏主怒築長圍一夕而合運東山土石以填塹作浮橋于

君山

在盱眙縣東北亦名軍山

絕水陸道

魏主遣質書質復之且寫臺格以示魏衆云斬

佛狸首封萬戶侯賜布絹各萬匹魏主大怒作鎧狀于其上施鍔鑱曰破城得質當坐之此上以鈎車鈎

魏師力屈退塞
而沈璞城質不
敢燭其後義恭
復不敢進其前

城樓城內繫以絙絙數百人唱呼引之車不能退既
夜縫桶懸卒出截其鈎獲之明日人以衝車攻城城
土堅密頽落不過數升魏人乃肉薄登城分番
相代墮而復升莫有退者殺傷萬計尸與城平凡三
旬城不拔會魏軍中多疾疫或告以建康遣水軍自
海入淮又敕彭城斷其歸路魏主乃燒攻具退走盱
眙人欲追之沈璞曰今兵不多雖可固守不可出戰
但整舟楫示若欲北渡者以速其走不須實行也臧質
以璞城主使之上露板璞固魏師過彭城江夏王義
辭歸功于質宋主聞益嘉之魏師過彭城江夏王義
恭震懼不敢擊或告敵驅南口萬餘去城數十里追

南朝懼怯若此
宜魏之往來如
入無人之境也

之可悉得諸將皆請行義恭不許明日驛使至救義
恭悉力急追魏師已遠義恭乃遣司馬檀和之向蕭
城魏人先聞之盡殺所驅者而去

宋令民遭寇者蠲其稅調

魏人凡破南兖

宋置治廣陵
今揚州府是

徐兖豫青冀六州殺掠

不可勝計丁壯者即加斬截嬰兒貫于槩上盤舞以
為戲所過郡縣赤地無餘春燕歸巢于林木自是邑
里蕭條元嘉之政衰矣詔賑卹郡縣民遭寇者蠲其

輕進易退固致
敗之由交戰日
時必待中詔實
非制勝之道而
將帥進退觀望
轉得藉以為口
實欲以集事難
矣

稅調降太尉義恭為驃騎將軍鎮軍將軍駿為北中

郎將

宋主每命將出師常授以成律交戰日時亦待中詔是以將帥趙趙莫敢自決又江南白丁輕

進易退此其所以敗也然是役魏之士馬死傷亦過半國人皆尤之

三月魏主還平城

魏主飲至告廟以降民五萬餘家分置近畿

夏四月宋以何尚之為尚書令徐湛之為僕射

尚之以湛之國戚任遇隆重每事讓之朝事悉歸湛

之

魏更定律令

魏主命太子少傅游雅中書侍郎胡方回

安定臨涇人等

更定律令增損凡三百九十一條

六月魏太子晃卒

諡景穆

魏太子晃監國頗信任左右營園田收其利高允切

諫

畧曰天地無私故能覆載王者無私故能容養今殿下國之儲貳萬方所則而營立私田畜養雞犬

乃至酤販市廛與民爭利謗聲流布不可追掩夫天下者殿下之天下富有四海何求而無乃與販夫販婦競此尺寸之利乎東宮儔又不少頃來侍御左右者恐非在朝之選願殿下斥去邪佞親近忠良所在

田園分給貧下販賣之物以時收散如此則休聲日至謗議可除矣不聽太子為政精

察而中常侍宗愛性險暴多不法晃惡之給事中仇

尼複姓道盛有寵于是與愛不協愛恐為所糾遂搆

其罪魏主怒斬道盛于都街東宮官屬多生死晃以

憂卒

魏主徐知其無罪悔之欲封其子濬為高陽王既而以皇孫世嫡不當為藩王乃止時濬年十

二聰達過人

魏主愛之常置左右

考魏書大成帝紀

文成帝生于真君元年六月至是應年十二通鑑

作時濬生四年綱目因之

恐是誤筆今依魏書改正

秋宋青冀刺史蕭斌將軍王元謨以罪免

元謨退敗當問
其致敗之由敵
強盡力不得已
而敗雖不罪之
可也敵弱而已
望風先逃即應
斬之以徇於衆
豈可以衆人懼
罪耶為調停當
時紀律尚可問
耶

坐退敗也宋主問沈慶之曰斌欲斬元謨而卿止之
何也對曰諸將奔退莫不懼罪自歸而死將至逃散
故止之

宋魏復通好

宋主遣使至魏魏遣殿中將軍即法祐來修好

宋以王僧綽

雲首之子

為侍中

僧綽幼有大成之度衆皆以國器許之好學有思理
練悉朝典為吏部郎請悉人物舉拔咸得其分及為

侍中年二十九沈深有局度不以才能高人宋主以其年少欲以後事托之朝政大小皆與參焉

壬宋元嘉二十九年魏高
宗大咸帝濬興安元年

春二月魏中常侍宗愛弒其

君熹而立南安王余

魏主追悼景穆太子不已宗愛懼誅弒之

識曰太武
皇帝廟號

世祖僕射蘭延

魏北方諸姓烏落
蘭氏後改為蘭氏

和正

通作
雅

薛提

太原
人

等秘不發喪延正以濬冲幼欲立長君徵秦王翰置

之秘室提以濬嫡孫不可廢議久不決宗愛自以得

宗愛罪不容誅
而拓跋余德其

迎立之謀忘討賊之美竟以為人司馬是亦亂臣賊子而已不放踵而禍及可見天譴昭然不爽

罪太子而素惡翰善南安王余

翰余皆太武帝之子

乃密迎余

矯皇后令召延等而使宦者持兵伏禁中以次收縛

斬之殺翰立余余以愛為大司馬大將軍

夏五月宋人侵魏

先是魯軌之子爽

小字女生

及其弟秀

小字天念

自魏奔宋

初軌

自晉奔秦秦亡復奔魏魏太宗以軌為襄陽公鎮長社軌常思南歸未果會卒爽襲父爵與其弟秀俱有寵于魏世祖既而有罪懼誅遂帥部眾千餘家請降于宋

軌奔秦事具前

宋主以爽為

司州刺史鎮義陽

宋郡僑置司州于此故城在今汝寧府信陽州

秀為潁川

太守至是宋主聞魏世祖殂更謀北伐夾時復勸之

太子中庶子何偃

字仲弘尚之子

以為淮泗數州瘡痍未

復不宜輕動不從遣蕭思話督張永

字景雲茂度子

等向碭

碭魯爽魯秀陳天祚將荊州甲士四萬出許洛雍州

刺史臧質帥所領趣潼關

沈慶之固諫北伐宋主不使行青州刺史劉興祖上

言河南阻饑野無所掠脫諸城固守非旬月可拔稽留大眾轉輸方勞應機乘勢事存急速今偽帥始死

兼逼署時國內猜擾不暇遠赴懸謂宜長驅中山據其關要冀州以北民人尚豐兼麥已向熟因資為易

若中州震動黃河以南自當消潰臣請發青冀兵入其心腹若前驅克勝則衆軍宜一時濟河使聲實兼

石隱岩栖處士
虛聲之為耳既
為大臣致仕後
豈宜徇名高南
乎然尚之既居
山矣旋復視事
則所謂矯誣然
中進退無據宜

舉並建司牧撫柔初附西拒太行北塞軍都因事指
揮隨宜加授若能成功清臺可待若不克捷不為大
傷宋主意止存河南亦不從軍都漢縣後魏改昌
平今為州屬順天府州西北有山曰軍都為太行第
八陁即居又使侍郎徐爰字長玉南瑯琊開陽人隨軍向碯礮
庸關也

宋尚書令何尚之致仕尋復起之

尚之以老請致仕退居方山

在江寧府上元縣東南
衆字記其山四面等方

故議者咸謂尚之不能固志既而詔書敦諭數四果
起視事袁淑錄自古隱士有迹無名者為真隱傳以

袁淑譏之

履霜堅冰義經
早著炯戒劬瘁
逆亂顯著更無
疑義乃始則置
而弗問繼復機
事不密是且自
釀其獄且豈特
坐昧先幾其是
貽諸千古

嗤之

宋太子劬始興王濬巫蠱事覺赦不誅

初潘淑妃生濬元皇后恚恨而殂淑妃專總內政由

是太子劬深惡淑妃及濬濬懼曲意事劬劬更與之

善吳興巫嚴道育

女巫也

自言能役使鬼物因東陽公

主婢王鸚鵡出入主家主與劬濬信惑之劬濬多過

失數為宋主所詰責使道育祈請

欲令過不上聞道育曰我已為上天

陳請必不泄露劬等

敬事之號曰天師後遂與道育鸚鵡及主奴陳天

與黃門陳慶國共為巫蠱琢玉為宋主形像埋于舍

章殿前已而慶國白其事

邵補天與為隊主宋主間之讓劬曰汝所用隊主副

並是奴耶劬懼以書告潘潘復書曰彼人若所為不已正可促其餘命或是大慶之漸耳劬潘相與往來書疏常謂宋主為彼人或曰其人鸚鵡先與天與私通東陽公主卒出嫁潘府佐沈懷遠為妾惡事泄白劬密殺天與慶國懼曰巫蠱事惟我與天與宣傳往來今天與死吾其殆哉乃具以其事白宋主

主大驚即遣收鸚鵡封籍其家得劬潘書及所埋玉

人命有司窮治其事道育亡命捕之不獲宋主惋歎

彌日

謂潘淑妃曰太子國富貴更是一理虎頭復如此非復思慮所及汝母子豈可一日無我耶

虎頭瘡
小字

遣中使切責劬瘡劬瘡惶懼陳謝宋主雖怒

然猶未忍罪也

秋八月宋攻碭碭不克而退雍州兵至虎牢亦還

諸軍攻碭碭累旬不拔八月魏人夜自地道潛出燒
營張永撤圍夜遁不告諸將士卒驚擾魏人乘之死
傷塗地蕭思話自往增兵力攻不克以軍乏食退屯
厯城魯爽至長社魏戌主棄城走臧質遣司馬柳元
景帥參軍薛安都向潼關梁州刺史劉秀之遣參軍

蕭道成

字紹伯小字鬪將承之子

等將兵向長安

胡三省曰蕭道成始見此

九月魯爽與魏拓跋僕蘭戰于大索

城名今開封府滎陽縣治是括

地志滎陽縣即大索城又有小索城在縣北

破之進攻城臯間礪礪敗退

與元景等皆引還

冬十月魏宗愛弑其君余魏主濬立

是為文成帝

討愛誅之

魏南安王余自以違次而立厚賜羣下欲以收衆心

旬月之間府藏虛竭又好酣飲及聲樂畋獵不恤政

事宗愛為宰相錄三省總宿衛坐召公卿專恣日甚

余患之謀奪其權愛憤怒余以十月朔夜祭東廟愛

使小黃門賈周等就弑而秘之唯羽林郎中劉尼

代人

知之勸愛立皇孫湑愛驚曰君大癡人皇孫若立豈

忘正平時事乎

景穆太子之死在真君十二年是年六月改元正平

尼恐愛為

變密告殿中尚書源賀賀時與尼俱典兵宿衛乃與

書陸麗

侯之子

謀曰宗愛既立南安還復殺之今又不

立皇孫將不利于社稷遂定謀共立湑賀與尚書長

孫渴侯嚴兵守衛使尼麗迎湑于苑中尼馳還東廟

大呼宗愛弑南安王大逆不道皇孫已登大位有詔宿衛之士皆還宮衆咸呼萬歲遂執宗愛賈周等勒兵入奉皇孫即位殺愛周具五刑夷三族追尊景穆太子為皇帝

廟號恭宗

立乳母常氏為保太后

魏復建佛圖聽民出家

魏世祖晚年佛禁稍弛民間往往有私習者至是羣臣多請復之乃詔州郡縣各聽建佛圖一區民欲為沙門者聽出家

大州五十人小州四十人

于是向之所毀率皆修

復魏主親為沙門下髮

魏以周怛為太尉陸麗為司徒杜元寶

魏郡鄴人明元帝皇后從弟

子之為司空怛尋坐事賜死

麗以迎立之功受心膺之寄朝臣無出其右者賜爵

平原王

麗辭曰陛下國家之正統當承基緒效順奉迎臣子常職不敢恤天之功以干大賞

麗曰臣父奉事先朝忠勤著效今年逼桑榆願以臣爵授之魏主曰朕豈不能使卿父子為二王耶

乃退具父建業公班賜羣臣謂源賀曰卿任意取之賜爵為東平王

賀辭曰南北未賓府庫不可虛固與之乃取戎馬一

王者不可私人以官祿後酬功非禮也陸麗源賀辭讓一再可謂能見其大足愧當時之懷私希寵利者

匹已而恒坐事死

明年元寶亦以謀反誅時魏法深峻賀奏謀反之家男子十三以下

本不預謀者宜免死沒官徙之

魏用元始歷

初魏入中原用景初歷

楊偉所造

世祖克沮渠氏得趙敵

音雙元始歷時人以為密是歲始行之

癸宋元嘉三十年已魏興安二年

春正月宋以始興王濬為荊州刺史

初濬以南徐刺史鎮京口求為荊州宋主許之濬還京口治行而巫蠱事覺宋主怒未解故濬久留京口

既除荊州乃聽入朝

二月宋太子劬弑其君義隆及其左衛率袁淑僕射徐湛之尚書江湛而自立以何尚之為司空

尚之受劬司空
大節掃地較長
樂者無廉恥為
尤甚直非人類
耳

宋主欲廢太子劬賜濬死先與王僧綽謀之使尋漢魏典故南平王鑠妃江湛之妹隨王誕妃徐湛之之女湛勸立鑠湛之欲立誕僧綽曰建立之事仰由聖懷臣謂唯宜速斷不可稽緩當斷不斷反受其亂願以義割恩畧小不忍不爾便應坦懷如初無煩疑論事機

雖容易至宣廣不可使難生慮表取笑千載宋主曰
卿可謂能斷大事然此事至重不可不懇懇三思且
彭城始亡人將謂我無復慈愛之道僧綽曰臣恐千
載之後言陛下唯能裁弟不能裁兒宋主默然議久
不決與湛之屏人語或連日累夕常使湛之自秉燭繞
壁慮有竊聽者既而以其謀告潘淑妃妃以告潘濬馳
報劬劬乃謀為逆詐為詔豫加部勒云有所討夜呼
前中庶子蕭斌左衛率袁淑中舍人殷仲素入宮流

袁淑一聞劾言始則諷以疾動力叱羣邪繼則明以禍至正言折亂謀可謂凜然大義不愧純臣然使彼時即舉發其事或當不至決裂乃猶豫不決終夜繞牀欲何為哉幸以身殉不然南史之誅不能逃矣

涕曰主上信讒將見罪廢內省無過不能受枉明旦當行大事望相與戮力因起徧拜之衆驚愕莫能對淑斌皆曰自古無此願加善思劬怒變色斌懼曰當竭身奉令淑叱之曰卿便謂殿下真有是邪殿下幼嘗患風今疾動耳劬愈怒因眄淑曰事當克否淑曰居不疑之地何患不克但既克之後不為天地所容大禍亦旋至耳假有此謀猶將可息左右引淑出曰此何事而云可罷乎淑還省繞牀行至四更乃寢汚明日宮門未開劬以朱衣加戎服上乘畫輪車與蕭斌同載呼袁淑甚急淑眠不起劬停車催之淑徐至劬使登車辭不上乃殺之門開而入舊制東宮隊不

得入城劬以偽詔示門衛曰受敕有所收討令後隊
速來張超之等馳入齋閣拔刀徑上合殿其夜宋主
與徐湛之屏人語至旦燭猶未滅見超之入舉几捍
之五指皆落遂弑之湛之驚起兵入殺之江湛聞
譟聲歎曰不用王僧綽言以至于此劬遣兵殺之

左細

仗主上天與不暇被甲執刀持弓疾呼左右出戰射
劬幾中劬黨擊之斷臂而死隊將張泓之未遑敘陳
滿俱戰死劬使人殺潘淑妃及太祖親信數十人潘在
西州府聞臺內喧噪不知事之濟否駭擾不知所為
俄而劬馳召潘屏人問狀即戎服乘馬而去入見劬
劬曰潘淑妃遂為亂兵所害潘曰此是下情由來所

願卜天與
吳興餘杭人

劬詐以詔召大將軍義恭尚書令何尚

之入拘于內並召百官至者纔數十人劬遽即位下

詔曰徐湛之江湛弑逆無道吾勒兵入殿已無所及今

罪人斯得可大赦改元太初即稱疾還永福省不敢

臨喪以白刃自守以蕭斌為僕射何尚之為司空劬

不知王僧綽之謀以為吏部尚書

時武陵王駿方討西陽蠻屯五洲沈

慶之自巴水來皆受軍畧典籤董元嗣自建康至五

洲具言太子弑逆沈慶之密謂腹心曰蕭斌婦人其

餘將帥皆易與耳東宮同惡不過三十人此外屈逼

必不為用今附順討逆不憂不濟也西陽宋郡今

僧綽既贊謀廢
幼齋閣之變非
力圖討賊即引
身殉節再無二
義乃隱忍受官
旋即見殺有愧
袁淑諸人多矣

湖北黃州府是五洲在黃州府蘄水縣大江
中巴水今日巴河源出黃州府羅田縣入江

宋幼殺其吏部尚書王僧綽

幼料檢文帝巾箱及江湛家書疏得王僧綽所啟前

代故事

即所上廢太子諸王典故

乃收殺之

僧綽弟僧虔為司徒屬所親戚勸之逃僧

虔泣曰吾兄奉國以忠貞撫我以慈愛今日之事苦
不見及耳若得同歸九泉猶羽化也幼因誣北第諸

王侯云與僧綽謀反殺之北第諸侯王列第于臺城北故云

夏四月宋江州刺史武陵王駿舉兵討幼宋人立駿為

孝武帝

五月幼及弟濬皆伏誅

劾密與沈慶之手書令弑武陵王駿慶之求見駿駿
懼辭以疾慶之突入以劾書示駿駿泣求入與母訣
慶之曰下官受先帝厚恩今日之事唯力是視殿下
何見疑之深駿起再拜曰國家安危皆在將軍慶之
即命內外勒兵旬日之間內外整辦人以為神兵駿
以慶之領府司馬柳元景宗慤朱修之皆為參佐顏
竣領錄事總內外以劉延孫通產之子為長史行留府事
荊州刺史南譙王義宣雍州刺史臧質同舉兵以應

駿駿至尋陽命顏竣移檄四方州郡響應劬自謂素習武事及聞四方兵起始憂懼戒嚴四月柳元景統

薛安都等十二軍發湓口駿發尋陽沈慶之總中軍

以從

檄至建康劬以示太常顏延之曰彼誰筆也延之曰竣之筆也劬曰何至于是延之曰竣尚不

顧老臣安能顧陛下劬怒稍解

劬疑舊臣不為已用乃厚撫魯秀王

羅漢以軍事委之以蕭斌為謀主殷冲掌文符

蕭斌勸劬

勒水軍自上決戰不爾則任據梁山江夏王義恭以南軍倉猝船舫陋小不利水戰勸劬養銳待期劬善之斌厲色曰南中郎二十年少能建如此大事豈復可量三方同惡勢據上流沈慶之甚嫌軍事元景宗

懸崖當立功形勢如此實非小敵唯宜及人情未離尚可決力一戰端坐臺城何由得久劬不聽或勸劬係石頭城劬曰昔人所以固石頭城者俟諸侯勤王耳我若守此誰當見救唯應力戰決之不然不克

梁山即天門山注見前

太尉司馬龐秀之

河南人

自石頭先衆南

奔人情由是大震駿軍于鵲頭

山名在江南池州府銅陵縣北元和志即

春秋鵲岸沿流有鵲尾洲六朝屯兵處

宣城太守王僧達

弘之孫

自侯道

南奔駿即以為長史

駿初發尋陽沈慶之謂人曰王僧達必來赴義人問其故慶之

曰吾見在先帝前議論間張執憲明決以此言之其至必也

柳元景以舟艦不堅

憚于水戰乃倍道兼行至江寧步上使薛安都帥鐵

顧峻初奉孝武討逆時出入卧内朔衛起居頗似謹密者何以貴顯之後頓爾驕奢卒致禍逮妻孥可謂弗克負荷者矣

騎耀兵于淮上

秦淮水上

移書朝士為陳逆順降者相

屬

駿自發尋陽有疾不能見將佐唯顧峻出入卧内擁駿于膝親視起居疾屢危篤不任咨稟峻皆專

決軍政之外間以文教書檄應接遐邇昏曉臨哭若出一人如是累旬軍中皆不知駿之危疾也元

景潛至新亭依山為壘劬使蕭斌等分統水陸精兵

萬人攻新亭壘劬自登朱雀門督戰元景令軍中銜

枚疾戰一聽鼓聲劬將士懷劬重賞皆殊死戰元景

水陸受敵意氣彌彊麾下勇士悉遣出關劬兵垂克

魯秀擊退鼓劬衆遽止元景開壘鼓譟以乘之劬衆

大潰劬僅以身免魯秀南奔駿至江寧江夏王義恭單騎南奔上表勸進駿遂即位于新亭改諡太祖曰

文廟號太祖

劬初葬太祖諡曰景廟號中宗

尊母路氏為皇太后立

妃王氏為皇后封拜義恭以下有差劬緣淮樹柵自

守男丁既盡召婦女供役魯秀等募勇士攻大航克

之王羅漢即放仗降城中沸亂文武將吏爭踰出降蕭

斌令所統皆解甲自石頭戴白幡來降詔斬于軍門

諸軍遂克臺城張超之走至合殿御牀之所為軍士

所殺剗腸剖心諸將皆鬻其肉生噉之劬入武庫井
中隊副高禽執之臧質見之慟哭劬曰天地所不覆
載丈人何為見哭質縛劬于馬上防送軍門時不見
傳國璽問劬曰在嚴道育處道育匿于劬所就取得
之斬劬及其四子于牙下濬帥左右南走江夏王義
恭斬之及其三子劬濬父子首並梟于大航暴尸于
市汙瀦劬所居齋嚴道育王鸚鵡並都街鞭殺焚尸
揚灰于江殷冲尹弘王羅漢及沈璞皆伏誅

璞守于湖坐不

迎義師誅

贈袁淑為太尉

諡忠憲

徐湛之為司空

諡忠烈

江湛

為開府儀同三司

諡忠簡

王僧綽為金紫光祿大夫

諡簡

侯

卜天與益州刺史

諡壯侯

與淑等四家長給廩祿

宋復以何尚之為尚書令

尚之自幼敗後左右皆散自洗

通作洒

黃閣

舊制三公聽事置黃

閣自洗躬親洒掃也

宋主以尚之及其子偃素有令譽故特免

之復以尚之為尚書令偃為大司馬長史任遇無改

秋七月辛酉朔日食

宋主詔求直言省細作並尚方雕文塗飾貴戚競利

悉皆禁絕中軍錄事參軍周朗

字義利汝南安成人

上疏陳述

得失

累曰毒之在體必割其緩處今歷下泗間空守孤城徒費財役使虜但發輕騎三千更互出入

于賊不勞而邊已困不至二年卒散民盡可躋足而待也今人知不以羊追狼蟹捕鼠而令重車弱卒與肥馬悍虜相逐其不能濟固宜矣又三年之喪天下之達喪漢氏節其臣則可矣薄其子則亂也今陛下以大孝始基宜返斯謬又舉天下以奉一君何患不給一體炫金不及百兩一歲美衣不過數襲而必收寶連櫝集服累笥目豈常視身未時親是櫝帶寶笥著衣也何庸蠹之劇惑鄙之甚耶且細作始并以為儉節而市造華怪即傳于民如此則遷也非罷也凡厥庶民制度日侈見車馬不辨貴賤視冠服不知尊

卑尚方今造一物小民明已晬晚宮中朝制一衣庶
家晚已裁學侈麗之源實先宮闈又設官者宜官稱
事立人稱官置王侯識未堪務不應強仕且帝子未
官人誰謂賤但宜詳置賓友茂擇正人亦何必列長
史參軍別駕從事然後為貴哉又俗好以毀沉人不
知察其所以致毀以譽進人不知測其所以致譽毀
徒皆鄙則遭毀者宜擢譽黨悉庸則得譽者宜退如
此則毀譽不妄善惡分矣凡無世不有言事無時不
有下令然升平不至昏亂相繼何哉設今之本非實故也書奏忤旨自解去職時多
變易太祖之制郡縣以三周為滿宋政于是乎衰

宋主殺其弟南平王鏐

鏐素負才能常輕宋主宋主潛使人毒之

武昌王渾亦宋主弟

也嘗與左右作樵文自號楚王政元永光以為戲笑
長史封上之廢為庶人逼令自殺時年十七

渾字

休渾文帝

第十子

甲宋世祖孝武帝駿孝
年建元年魏興光元年

春正月宋立子業為太子

將置東宮省率更令餘各減舊員之半

二月宋江州刺史臧質以南郡王義宣舉兵反夏宋主

遣兵討質誅之

初江州刺史臧質自謂人才足為一世英雄太子劾
之亂潛有異圖以荊州刺史南郡王義宣庸闇易制

欲外相推奉因而覆之劾既誅義宣與質功皆第一由是驕恣事多專行宋主方自攬威權而質以少主遇之政刑慶賞一不咨稟宋主淫義宣諸女義宣恨怒質乃遣密信說義宣義宣以豫州刺史魯爽有勇力素與相結至是密使人報之及兗州刺史徐遺寶期以今秋舉兵使者至壽陽爽方飲醉失義宣指即日舉兵竊造法服登壇遺寶亦勒兵向彭城義宣聞爽已反狼狽舉兵與質俱表欲誅君側之惡

爽送所造與服詣江

詣江陵使征北府戶曹板義宣等文曰丞相劉今補天子名義宣車騎臧今補丞相名質皆板到奉行義宣駭愕召司州刺史魯秀欲使為後繼秀見義宣出拊膺曰吾兄悞我乃與廢人作賊今年敗矣義

宣兼荆江兗豫四州之力威震遠近宋主欲奉乘輿法物迎之竟陵王誕固執不可曰奈何持此座與人乃以柳元景王元謨統諸將討之進據梁山洲三月義宣移檄州郡雍州刺史朱修之偽許之而陳誠于宋主義宣帥衆十萬發江津以子惔與竺超民留鎮江陵義宣至尋陽以質為前鋒爽亦引兵趨厯陽與

質水陸俱下夾旋為沈慶之所殺徐遺寶亦走死義

宣至鵠頭慶之送夾首示之夾累世將家驍猛善戰

號萬人敵義宣與質由是駭懼

太傅義恭與義宣書曰臧質少無美行弟

所具悉今藉西楚之彊力圖濟其私山謀若果恐非池中物也義宣由此疑之宋主使元景

進屯姑孰質遣將攻陷梁山西壘王元謨使告急于

元景欲退還姑孰元景乃留羸弱自守悉遣精兵助

元謨多張旗幟梁山望之如數萬人皆以為建康兵

悉至衆心乃安質請自攻東城義宣乃遣劉謔之與

質俱進頓兵西岸元謨督諸軍大戰薛安都帥突騎
衝陳陷之斬謀之質等大敗義宣兵潰單舸迸走閉
戶而泣質不知所為亦走其衆皆降散質逃于南湖
在湖北武昌府武昌縣南一名五丈湖興
地紀勝臧質逃入南湖以荷自蔽即此追斬其首
送建康子孫皆棄市魯秀赴水死就取其首義宣走
向江陵衆散且盡尋為朱修之所殺並誅其子十六
人及同黨竺超民等

宋置東揚州郢州

初晉氏南遷以揚州為京畿穀帛所資出焉以荆江為重鎮甲兵所聚在焉三州戶口居江南之半至是

宋主惡其疆大乃分揚州浙東五郡置東揚州治會

稽分荆湘江豫州之八郡置郢州治江夏

宋江夏郡治夏口城

在今武昌府西黃鵠山上今武昌府治之江夏縣隋所置

罷南蠻校尉

治方山在今荊州府

江陵縣東水經注南蠻府在方城東屯營相接是也

遷其營于建康荆揚由此

虛耗

既而宋主以垣護之言移青冀二州並以王元謨言并雍州僑郡為一郡

並鎮歷城青冀宋

青州本治東陽冀州治歷城後移青州并治歷城東陽注見前雍州晉太元中置雍州于襄陽宋齊梁皆

因之西魏改曰襄州今襄陽府是僑郡
晉僑置京兆扶風等郡皆寄治襄陽

宋省錄尚書事官

宋主惡宗室彊盛不欲權在臣下太傅義恭知其指
故請省之

秋七月丙申朔日食

乙宋孝建二年
未魏太安元年

春宋鎮北大將軍沈慶之罷就第

慶之請老表數十上詔聽以始興公就第

頃之宋主
復欲用慶

之使何尚之往起之慶之笑曰沈公
不效何公往而復返尚之慙而止

懲尾大不掉之患自有恩義兩全之道乃僅于儀服虔重示裁抑所謂不揣其本卒致逆勢相尋耳

冬十月宋裁損王侯制度

宋主欲削弱王侯江夏王義恭等奏裁損王侯車服

器用樂舞制度凡九事宋主因諷有司奏增廣為二

十四條聽事不得南向坐施帳劍不得為鹿盧形

晉灼

曰古長劍首以玉作井鹿盧形

內史相及封內官長止稱下官不得

稱臣罷官則不復追敬詔可

丙宋孝建三年
申魏太安二年

春正月魏立貴人馮氏為后

后父朗故燕主弘之庶子也魏世祖攻燕朗與其兄

崇叛降魏為秦雍二州刺史遼西郡公

崇封遼西王已而

坐事誅后沒入宮至是以貴人立為后

二月魏主立其子弘為太子

是時弘生三年矣先使其母李貴人條記所付托兄弟然後依故事賜死

宋以宗慤為豫州刺史

故事府州部內論事皆籤前直叙所論之事置典籤以主之宋諸王子為方鎮者多幼時主皆以親近左

右領典籤至是雖長王臨藩素族出鎮典籤皆出納教命

刺史不得專其職及慤為豫州吳喜

臨安人

為典籤每

多違執慤大怒曰宗慤年將六十為國竭命止得一

州如斗大不能復與典籤共臨之喜稽顙流血乃止

秋七月宋以西陽王子尚

字宗思宋主第二子俊改封豫章王

為揚州刺史

太傅義恭以宋主之子子尚有寵將避之乃辭揚州

而宋主以子尚為刺史

時熒惑守南斗宋主廢西州舊館使子尚移治東城以厭

之別駕沈懷文曰天道示變宜應之以德雖空

西州恐無益也不從
沈懷文
字思明
武康人

冬十一月魏以源賀為冀州刺史

賀上言今北虜遊魂南寇負險疆場之間猶須防戍
自非大逆赤手殺人其坐賊盜及過誤應入死者皆
可原宥謫死守邊則已斷之體受更生之恩徭役之
家蒙休息之惠魏主從之久之謂羣臣曰吾用賀言
一歲所活不少增兵亦多卿等人人如賀朕何憂哉
會人告賀謀反魏主曰賀竭誠事國朕為卿等保之
訊驗果誣乃誅告者因謂左右曰以賀忠誠猶不免
誣謗不及賀者可無慎哉

十二月宋金紫光祿大夫顏延之卒

延之子竣貴重凡所資供延之一無所受布衣茅屋
蕭然如故常乘羸牛笨車逢竣鹵簿即屏住道側常
謂竣曰吾平生不喜見要人今不幸見汝竣起宅延
之謂曰善為之無令後人笑汝拙也延之嘗早詣竣
見賓客盈門竣尚未起延之怒曰汝出糞土之中升

雲霞之上遽驕傲如此其能久乎

竣丁父憂裁踰月
起為右將軍丹陽

尹如故竣固辭表十上不許遣中書舍人抱竣登車
載之即舍賜以布衣一襲絮以綵綸遣主衣就衣諸

體 綸似絮而細絮以絲綸以綠色之
綸納于布衣中也主衣尚衣奉御之官

丁宋大明元年
西魏太安三年 春正月魏侵宋入兗州

魏人侵宋敗東平太守劉胡

南陽人

宋主遣薛安都沈

法系禦之並受徐州刺史申坦節度比至魏兵已去

先是羣盜聚任城

注見前

荆榛中累世為患謂之任榛

坦請回軍討之無功而還安都法系坐白衣領職坦
當誅羣臣為請莫能得沈慶之抱坦哭于市曰汝無
罪而死我行當就汝矣有司以聞乃免之

秋八月宋以竟陵王誕為南兗州刺史劉延孫為南徐州刺史

初高祖遺詔以京口要地非宗室近親不得居之延孫之先雖與高祖同源而從來不序昭穆宋主既命延孫鎮京口仍詔與合族宋主閨門無禮不辨親疎尊卑流聞民間無所不至誕寬而有禮誅邵及義宣皆有大功人心竊向之誕多聚才力之士蓄精甲利兵宋主畏忌之不欲誕居中使出鎮京口猶嫌其逼

更徙于廣陵以延孫腹心之臣故使鎮京口以防之

戊宋大明二年
戊魏太安四年

春正月魏設酒禁置候官

魏主以士民多因酒致鬪故設酒禁釀酤飲者皆斬
吉凶之會聽開禁有程日增置候官伺察諸曹及州
鎮或微服雜亂于府寺間以求百官過失有司窮治
訊掠取服百官賦滿二丈皆斬又增律七十九章

二月魏以高允為中書令

允好切諫事有不便輒求見魏主屏左右待之或自

朝至暮或連日不出語或痛切魏主不忍聞命左右

扶出然終善遇之

時有工事為激訐者魏主謂羣臣曰君父一也父有過子何不于衆

中諫之而于私室屏處諫者豈非不欲其父之惡彰于外邪至于事君何獨不然君有得失不能面陳而工表顯諫欲以彰君之短明己之直此豈忠臣所為乎如高允者乃忠臣也朕有過未嘗不面言朕聞其過而天下不知可不謂忠乎允所與同徵者游雅等皆至大官封

侯而允為郎二十七年不徙官魏主謂羣臣曰汝等

雖執弓刀在朕左右未嘗有一言規正唯伺朕喜悅祈

官乞爵今皆無功而至王公允執筆佐國家數十年

為益不少不過為郎汝等不自愧乎乃拜允中書令

時魏百官無祿允常使諸子推採自給司徒陸麗曰
高允雖蒙寵待而家貧妻子不立魏主曰公何不先
言今見朕用之乃言其貧乎即日至允第唯草屋
數間布被縕袍厨中鹽菜而已魏主嘆息賜以帛粟
拜其長子悅為長樂太守允固辭不許魏主重允常
呼為令公而不名游雅常曰前史稱卓子康劉文饒
之為人褊心者或不之信余與高子游處四十年未
嘗見其喜愠之色乃知古人為不誣耳高子內文明
而外柔順言呐呐不能出口昔崔司徒嘗謂余云高
生豐才博學一代佳士所乏者橋橋風節耳余亦以
為然及司徒得罪詔旨臨責聲嘶股栗高子獨數陳
事理辭義清辨人主為之動容非所謂橋橋者乎宗
愛用事威振四海王公以下趨庭望拜高子獨升階
長揖此非所謂風節者乎夫人固未易知吾既失之

于心崔又漏之于外此乃管仲所以致慟于鮑叔也

夏六月宋以謝莊

字希逸密之子

顧覲之

字偉仁吳縣人

為吏部尚書

宋主不欲權在臣下分吏部尚書置二人以謝莊顧

覲之為之初晉世散騎常侍選望甚重其後職任閑

散用人漸輕宋主欲重其選乃用當世名士孔顗王

或

字景文球從子

為之侍中蔡興宗

廓之子

曰選曹要重常侍

間淡改之以名而不以實雖為重輕人心豈可變耶

後竟如其言

秋八月宋殺其中書令王僧達

僧達幼聰警能文而跌蕩不拘宋主初立擢為僕射

自負才地一二年間即望宰相既而下遷再被彈削

僧達恥怨所上表奏辭旨抑揚又好非議朝政宋主

已積憤怒路太后兄子嘗詣僧達升其榻僧達令舁

羊茹反
對舉也

棄之

太后兄樂之常為王氏門下騶故僧達麾其子

太后大怒固邀

宋主令必殺僧達會南彭城

晉南渡後僞立南彭城郡于晉陵界

民高

閹與沙門曇標等謀反伏誅

高閹曇標與殿中將軍苗允等謀作亂立閹為

帝事覺
伏誅

宋主因誣僧達與閣通謀賜死

魏侵宋清口

此汶水合濟之口水經注濟水逕安民亭西汶水東北來注之所謂清口也安民

亭在泰安府東平州西南

宋青冀刺史顏師伯

字長深竣族兄

連戰破之

宋積射將軍殷孝祖

陳郡長平人義之曾孫

築兩城于清水之

東魏鎮西將軍封敕文

代人

攻之清口戍主傅乾愛拒

破之宋主遣虎賁主龐孟蚪救清口顏師伯遣參軍

苟思達助之敗魏兵于沙溝

亦曰中川水水經注中川水逕盧縣故城東北

入濟俗謂之沙溝水逕盧縣故城在濟南府長清縣

宋主又遣司空參軍卜天

生

天與之弟

等會傳乾愛共擊魏兵屢破之斬魏將數人

魏征西將軍皮豹子將兵三萬寇青州師伯與戰將

軍焦度

南安人

刺豹子墜馬幾獲之

宋以戴法興

會稽山陰人

戴明寶

南東海丹徒人

巢尚之

魯郡人

為中

書舍人

初宋主在江州戴法興戴明寶蔡閑為典籤及即位

皆以為南臺

御史臺謂之南臺

侍御史蕪中書通事舍人是

歲並以初舉兵預密謀賜爵縣男

開已卒追賜之

時宋主親

覽朝政不任大臣而腹心耳目不得無所委寄法興
頗知古今素見親待巢尚之人士之末涉獵文史亦
為中書通事舍人凡選授遷徙誅賞大處分宋主皆
與法興尚之參懷

胡三省注宋齊之間凡參決機務皆謂之參懷

內外雜事

多委明寶三人權重一時而法興明寶大納財賄門

外成市家產並累千金

顧覲之獨不肯降意于法興等蔡興宗與覲之善嫌其風

節太峻覲之曰辛毗有言孫劉不過使吾不為三公
耳覲之常以為人稟命有定分非智力所移唯應恭
己守道而闇者不達妄意僥倖徒厲雅道無關得喪
乃以其意命弟子原著定命論以釋之

孫劉謂魏

孫資劉放
具見前

已宋大明三年夏四月宋竟陵王誕反廣陵宋主遣兵
亥魏太安五年

討之誕伏誅

竟陵王誕知宋主意忌之亦潛為之備因魏人入寇

修城浚隍聚糧治伏

參軍江智淵知誕有異志請假
先還建康智淵少有操行沈懷

文每稱之曰人所應有盡有人所應無盡無者
其惟江智淵乎江智淵南史作智淶湛從弟既而

事覺宋主令有司奏請收付廷尉詔貶爵為侯遣之

國使垣朗戴明寶襲之明寶使誕典籤蔣成為內應

知之斬成擊殺朗明寶逃還詔沈慶之將兵討誕度

至歐陽誕遣人齎書說慶之餉以玉環刀遣還之

歐陽戌名在揚州府儀徵縣東水經注吳城邦溝上

承歐陽引江

入埭即此

誕閉門自守分遣書檄邀結遠近

時山陽內

史梁曠家在廣陵誕執其妻子遣使邀曠曠斬使拒之誕怒滅其家

誕奉表投之城外

數宋主罪惡曰陛下宮帷之醜豈可三緘宋主大怒凡

誕左右腹心同籍期親在建康者誅死以千數慮誕

奔魏使慶之斷其走路誕棄城北走慶之遣兵追之

誕衆皆不欲去誕乃復還築壇歃血以誓衆

以劉琨之為參

軍琨之遵考之子也辭曰忠孝不得並琨之老父在不敢承命誕囚之十餘日終不受乃殺之慶之進營逼廣陵城誕于城上投函表請慶之為送慶之曰戎受詔討賊不得為汝送表汝必欲歸死朝廷自應開門遣使吾為汝護送時值久雨慶之不得攻城宋主令有司奏

免慶之官詔勿問以激之慶之帥衆攻城克之誕走

追及斬之母妻皆自殺

誕初閉城參軍山陰賀弼固諫誕怒抽刀向之及誕兵屢

敗將佐多踰城出降或勸弼宜早出弼曰公舉兵向朝廷此事既不可從荷公厚恩又義無違背惟有以死明心耳乃飲藥自殺參軍何康之等謀開門納官軍不果斬開出降誕為高樓置康之母于其上暴露之不與食母呼康之數日而死濮陽范義為誕左司馬或勸其行義曰子不可以棄母吏不可以叛君必

若康之而活
吾弗為也

宋主聞廣陵平出宣陽門敕左右皆呼

萬歲侍中蔡興宗陪輦宋主顧曰卿何獨不呼興宗

正色曰陛下今日正應涕泣行誅豈得皆稱萬歲宋

主不悅詔貶誕姓留氏廣陵城中士民無大小悉命

殺之慶之請自五尺以下全之女子為軍賞猶殺三

千餘口

推梁曠為後將軍贈劉琨之給事黃門侍郎
蔡興宗奉告慰勞廣陵興宗與范義素善收

斂其尸送歸豫章宋主謂曰卿何敢故觸王憲對曰
陛下自殺賊臣自焚故交何不可之有宋王有慙色

宋殺其東揚州刺史顏竣

先是宋主即吉之後奢淫自恣多所興造竣以藩朝
舊臣數懇切諫諍宋主浸不悅竣自謂恩舊莫比而
所陳多不納疑宋主欲疎之求外出以覘其意宋主
即以為東揚州刺史竣始大懼已而竣遭母憂送喪
還都宋主恩待猶厚會王僧達得罪疑竣譖之陳竣
前後怨望誹謗之語竣坐免官竣懼上啟請命宋主
益怒及是會誕反遂誣竣通謀賜死妻子徙交州復
沉其男口于江

秋九月宋徙郊壇造五路

天子所乘法車有玉金象革木五路

初晉人築南郊壇于已位至是尚書右丞徐爰以為

非禮宋主詔徙于牛頭山

在上元縣南有兩峯相對亦曰天闕山

西直

宮城之午位又造五路依金根車

沈約曰秦闕三代之車獨取殷制古

曰桑根車秦曰金根車

加羽葆蓋

明年宋主祀郊廟始乘玉路

庚宋大明四年子魏和平元年

春正月宋主耕藉田三月后親蠶西郊

夏六月魏伐吐谷渾

吐谷渾王拾寅兩受宋魏爵命居止出入擬于王者

魏人忿之遣陽平王新成

景穆帝之子

等督諸軍分道出

擊俘獲甚衆

冬十月宋殺其廬陵內史周朗

朗言事切直宋主銜之使有司奏朗居母喪不如禮

傳送寧州

注見前

于道殺之

朗之行也侍中蔡興宗方在直請與朗別坐白衣領

職

宋以顏師伯為侍中

師伯以諂佞被親任羣臣莫及多納貨賄家累千金

宋主嘗與之拷蒲宋主擲得雉自謂必勝師伯次擲得盧宋主失色師伯遽斂子曰幾作盧是日師伯一

輸百
萬

辛宋大明五年
丑魏和平二年
春正月雪

宋以正旦朝賀雪落太宰義恭衣有六出義恭奏以
為瑞宋主悅義恭以宋王猜暴懼不自容每卑辭遜
色曲意祇奉由是終宋主之世得免于禍

夏宋立明堂

作大殿于丙巳之地制如太廟唯十有二間為異

宋雍州刺史海陵王休茂

文帝第十四子

反襄陽為其下所殺

雍州刺史海陵王休茂年十七司馬庾深之

新野人

府事休茂欲專處決深之及主帥每禁之左右張伯

超有寵多罪惡主帥屢責之伯超說休茂殺行事及

主帥而舉兵休茂從之徵集兵眾建牙馳檄參軍尹

元度起兵攻休茂生擒斬之母妻皆自殺同黨伏誅

宋主自即位以來抑黜諸弟既克廣陵欲更峻其科

沈懷文曰漢明不使其子比光武之子前史以為美談
陛下既明管蔡之誅願崇唐衛之寄及襄陽平太
宰義恭希旨復請裁抑諸王不使任邊州及悉輸甲

諸王不使任邊州及輸甲兵絕
賓客實保全就
親第一茂若果

行此則江州則
郭之禍可無再
見而賊江巴陵
此平並得以保
位終矣懷文之
疎離恩在優施
恩顯宜知愛之
適所以宮之耶

兵禁絕賓客懷
文固諫乃止

秋九月甲寅朔日食

宋司空沈慶之罷就第

先是慶之以克廣陵功拜司空領南充州刺史至是
慶之固讓司空于柳元景詔許之慶之目不知書家

素富產業累萬金一夕徙居婁湖

在江寧縣東南元
和志湖張昭所開

昭封婁
侯故名以宅輸官非朝賀不出門

冬十月宋以新安王子鸞

字孝羽宋
主第八子

為南徐州刺史

子驚母殷淑儀

義宣之女義宣敗宋主密取之假姓殷氏或曰殷琰家人入義宣家後沒

入宮寵傾後宮子驚愛冠諸子凡為上所眄遇者莫不

入其府及為南徐州割吳郡以屬之

初巴陵王休若為北徐州刺史

以張岱為參軍行府州國事後厯臨海豫章晋安三府與典籤主帥共事事舉而情不相失或問岱何由致此岱曰古人言一心可事百君吾為政端平待物以禮悔吝之事無由而及明闇長短更是才用之多少耳及是子驚復以岱為別駕行事張岱字景山永之弟

十二月宋禁士族雜婚

胡三省注謂與工商雜戶為婚也

詔士族雜婚者皆補將吏士族多避役逃亡乃嚴為

之制捕得即斬之往往奔竄湖山為盜賊沈懷文諫不聽

壬宋大明六年
寅魏和平三年

春正月宋策孝秀

胡三省注孝
廉秀才也

于中堂

揚州秀才顧法對策曰源清則流潔神聖則形全躬
化易于上風體訓速于草偃宋主惡其諒也投策于
地

三月宋殺其廣陵太守沈懷文

懷文素與顏竣周朗善數以直諫忤旨宋主謂曰竣

若知我殺之亦當不敢如此懷文默然宋主嘗出射
雉風雨驟至懷文與王或江智淵約相與諫懷文曰
風雨如此非聖躬所宜冒或曰懷文所啟宜從智淵
未及言宋主注弩作色曰卿欲效顏竣耶宋主每燕
集在坐者皆令沉醉嘲謔無度懷文素不飲又不好
戲嘲宋主謂故欲異已出為廣陵太守至是朝正事
畢當還以女病求申期為有司所糾免官禁錮十年
懷文賣宅欲還東宋主大怒賜死

夏四月宋淑儀殷氏卒

宋主以淑儀之卒痛悼不已精神罔罔頗廢政事葬

于龍山

在江寧縣西南案字記
巖山宋孝武改曰龍山

鑿岡通道民不堪役

死亡甚衆自江南埋葬之盛未之有也又為之別立

廟

追贈貴妃諡曰宣謝莊作哀策文奏之宋主卧覽
流涕起坐曰不謂當今復有此才都下傳寫紙墨

為貴江智淵先議妃諡曰懷宋主以為不盡美銜之
他日至妃墓指石柱謂智淵曰此上不容有懷字智
淵惶懼竟以憂卒宋主嘗與羣臣數至貴妃墓謂劉
德願曰卿哭貴妃悲者當厚賞德願擗踊號慟涕泗
交流宋主甚悅即以德願為豫
州刺史劉德願懷慎之子

浮圖雖自沿其教然既在戴高履厚之中一切常與四民同治不待言也晉宋間乃以沙門致敬人主著之令甲正與舊律文所載僧道拜父母均為笑譚

秋九月宋制沙門致敬人主

初晉庾冰議使沙門敬王者不果行至是有司奏曰

浮圖為教反經蔽道屈膝四輩

王幼學曰釋書所謂四部大衆也謂比丘

比丘尼優婆塞優婆夷

而簡禮二親稽顙耆臘

徐昭文曰謂高年之僧僧家不

序齒而序臘以捨俗為僧之年為始如云僧臘若干謂為僧若干年也

而直體萬乘臣

等參議以為沙門接見比當盡虔從之

宋南徐州從事史祖冲之

字文遠范陽道人

請更造新厯不報

冲之以何承天所製元嘉厯疎舛猶多乃更造新厯

上表言之

以為舊法冬至日有定處未盈百載輒差二度今令冬至日度歲微差將來久用

無煩屢改又子為辰首位在正北虛為北方列宿之中今歷上元日度發自虛一又日辰之號甲子為先今歷上元歲在甲子又承天法日月五星各自有元今法交會避疾悉以上元歲首為始胡三省注今歷今法皆冲之更造者也歷家分上元中元下元甲子各六十年凡一百八十年而下元甲子終又復于上元

甲子宋主令善歷者難之不能屈已而不果施行

癸宋大明七年
卯魏和平四年

夏宋以蔡興宗袁粲

字景倩淑
之兄子

為吏部

尚書

宋主好狎侮羣臣自太宰義恭以下不免穢辱常呼

余紫光祿大夫王元謨為老僮僕射劉秀之為老慳

顏師伯為慳

魚寔反露鹵也

其餘短長肥瘦皆有稱目又寵

一崑崙奴

胡三省注言其狀似崑崙國人也崑崙國在林邑南

令以杖擊羣臣

惟憚蔡興宗方嚴不敢侵媒儀曹郎王耽之曰蔡豫

章

興宗父廊嘗為豫章太守

昔在相府亦以方嚴不狎武帝宴私

之日未嘗相召蔡尚書今日可謂能負荷矣

冬十月魏遣散騎常侍游明根

字志遠雅從祖弟

如宋

明根奉使三返宋主以其長者禮之有加

甲宋大明八年夏五月宋主駿殂太子子業立是為前廢帝

宋主末年尤貪財利刺史二千石罷還必限使獻奉

又以捕戲取之罄盡乃止終日酣飲嘗憑几昏睡或

外有奏事即肅然整容無復酒態以故内外畏之至

是殂諡曰孝武廟號世祖世祖機警勇決記問博洽文章華敏又善騎射而奢欲無度土木被錦繡

賞賜傾府藏壞高祖所居陰室于其處起玉燭殿與

羣臣觀之牀頭有土障壁上掛葛燈籠麻繩拂侍中

袁顗因盛稱高祖儉素之德世祖曰田舍翁得此已為過矣及是遂殂于殿袁顗字國章叔兄子遺

詔太宰義恭加中書監柳元景領尚書令事無巨細

土障葛燈皆前
入留以示儉雖
無侍中隔不允
之亦當陳悲動
亦乃轉以詰語
自落其祖是全
不知締構難
其其下能後

悉關二公大事與始興公沈慶之參決若有軍旅悉
委慶之尚書中事委僕射顏師伯外監所統委領軍
王元謨太子即位

年十六

蔡興宗親奉璽綬太子受之

傲慢無戚容興宗出告人曰昔魯昭不戚叔孫知其不
終

傳見左

家國之禍其在此乎

秋七月宋以蔡興宗為新昌

宋郡治頓邱故城在今江南淦州

太守王

元謨為南徐州刺史

太宰義恭素畏戴法興巢尚之等雖受遺輔政而引

身避事由是政歸近習法興等專制朝權詔敕皆出其手興宗自以職管銓衡每至上朝輒為義恭陳登賢進士之意又歲規得失博論朝政義恭聞之戰懼無答興宗每奏選事法興尚之等輒點定回換興宗于朝堂謂義恭師伯曰主上諒闇不親萬幾而選舉密事多被刪改復非公筆亦不知是何天子意義恭法興皆惡之左遷新昌太守既而以其人望復留之建康法興等惡王元謨剛嚴以為南徐州刺史

八月宋太后王氏殂

太后疾篤使呼宋主子業子業曰病人間多鬼那可往太后怒謂侍者取刀來剖我腹那得生寧馨兒

乙宋前廢帝子業景和元年太宗夏五月魏主濬殂太

已明帝或泰始元年魏和

子弘立

是為獻
文帝

初世祖經營四方國頗虛耗重以內難朝野楚楚三

省注楚楚酸痛之貌魏主嗣之與時消息靜以鎮之懷集中外

民心復安及是殂

諡曰文成
廟號高宗

太子弘即位十二年

魏車騎大將軍乙渾殺司徒陸麗

乙渾專權矯詔殺尚書楊保年等于禁中使司衛監

穆多侯召平原王陸麗于代郡

多侯謂麗曰渾有無君之心今宮車宴駕

王德望素重姦臣所忌宜少淹留以觀之朝廷安靜然後入未晚也麗曰安有聞君父之喪慮患而不赴者乎即馳赴平城渾所為多不法麗數爭之渾殺麗及穆多

侯而自為太尉錄尚書事

既而渾人自為丞相位居諸王上事無大小皆取決

焉

秋八月宋主殺其太宰江夏王義恭尚書令柳元景僕

射顏師伯

子業幼而猶暴及即位欲有所為戴法興輒抑制之不能平所幸閹人華願兒怨法興裁其賜與言于子業曰道路皆言法興為真天子官為儼

猶言偽物也

天子

且官居深宮與人物不接法興與太宰顏柳共為一體內外畏服深恐此坐非復官有子業遂賜法興死初世祖多猜忌大臣重足屏息世祖殂義恭等相賀曰今日始免橫死矣及法興死諸大臣始復內不自

安于是元景師伯密謀廢子業立義恭日夜聚謀而不能決元景以其謀告沈慶之慶之與義恭素不厚又恨師伯專斷朝事不與已參懷乃發其事子業遂自帥羽林兵殺義恭並其四子召元景以兵隨之元景知禍至入辭其母整朝服乘車應召弟叔仁帥左右欲拒命元景苦禁之既出巷軍士大至元景下車受戮容色恬然並其子弟諸姪獲顏師伯於道殺之及其六子自是公卿以下皆被誅曳如奴隸矣

初子業在

東宮多過失世祖欲廢之而立新安王子鸞侍中袁
顗咸稱太子之美乃止子業由是德之既誅羣公以為
吏部尚書尚書左丞徐爰便辟善事人頗涉書傳自
元嘉初入侍左右預參顧問大明之世爰寄九重時
殿省舊人多見誅逐唯爰巧于將迎始終無逆子業
每出常與沈慶之及妙山陰公主同輦爰亦預焉主
尤淫逸嘗謂帝曰妾與陛下男女雖殊俱托體先帝
陛下六宮萬數而妾唯駙馬一人事太不均子業乃
為置面首左右三十人吏部郎褚淵貌美公主請以
自侍子業許之淵侍公主十日備見逼迫以死自誓
乃得免子業令太廟別畫祖考之像入廟指高祖像
曰渠大英雄生擒數天子指太祖像曰渠亦不惡但
末年不免兒所去頭指世祖像曰渠大難鼻如何不
難立台畫工今難之面首而取其貌美首取其髮
美難壯加反鼻上飽也
褚淵字彥回湛之子

九月宋主殺其弟新安王子鸞

新安王子鸞有寵于世祖子業惡之遣使賜之死又殺其母弟南海王子師發殷淑儀墓又欲掘景寧陵

即世祖陵在龍山

太史以為不利于子業乃止

宋義陽王昶

字休道文帝第九子

出奔魏

昶為徐州刺史素為世祖所惡而民間每訛言昶反是歲尤甚子業謂左右曰我即大位未嘗戒嚴使人邑邑會昶遣使上表求朝子業詰以反狀使懼逃歸

子業因下詔討昶內外戒嚴自將兵渡江命沈慶之統諸軍昶聚兵移檄統內皆不受命昶知事不成棄

母妻携愛妾奔魏

昶頗涉學能屬文魏人重之使尚公主賜爵丹陽王

宋以袁顗為雍州刺史蔡興宗為吏部尚書

顗始為子業所寵任俄而失指待遇頓衰顗懼求出

以為雍州刺史

其舅蔡興宗謂曰襄陽星惡何可往顗曰白刃交前不救流矢今惟願生

出虎口耳時臨海王子顓為荊州刺史朝廷以興宗為子顓長史行府州事興宗辭不行顗曰朝廷形勢人所共見在內大臣朝不保夕舅今出為八州行事顗在襄沔地勝兵彊可以共立桓文之勲豈比受制

凶狂臨不測之禍乎今得間不去後復求出豈可得耶興宗曰吾素門平進與主上甚疎未容有患官省內外人不自保會應有變若內難得弭外釁未必可量汝欲在外求全我欲居中免禍各行其志不亦善乎

手臨海王子頊字

孝烈孝武第七子

顗狼狽上路猶慮見追行至尋

陽喜曰今始免矣鄧琬

字元琬陳章人

為晉安王子勛

字孝德孝

武第三子

長史顗與之款狎過常顗與琬人地本殊見者

知其有異志矣尋復以蔡興宗為吏部尚書

冬十一月宋主殺其寧朔將軍何邁

漢人澄之元孫

邁尚子業姑新蔡長公主子業納公主于後宮謂之

謝貴嬪詐言主薨殺宮婢送邁第殯葬邁素豪侈多
養死士謀廢子業立晉安王子勛事泄見殺

宋主殺其太尉沈慶之

初沈慶之既發顏柳之謀遂自昵于子業數盡言規
諫子業浸不悅慶之懼禍杜門不接賓客常遣左右
范羨至蔡興宗所興宗使謂曰公閉門絕客避悠悠
請托者耳興宗非有求于公者也何為見拒慶之使
羨邀興宗興宗往說之曰主上此者所行人倫道盡

今所忌憚唯在于公公威名素著天下所服今舉朝
遑遑人懷危怖指麾之日誰不響應如猶豫不斷豈
惟旦暮及禍四海重責將有所歸願公詳思其計慶
之曰僕誠知憂危不復自保但盡忠奉國始終以之
以俟天命耳加以老退私門兵力頓闕雖欲為之事
亦無成興宗曰當今懷謀思奮者正求脫朝夕之死
耳殿中將帥惟聽外間消息若一人唱首則俯仰可
定聞車駕屢幸貴第酣醉淹留又聞屏左右獨入閣

內此萬世一時不可失也慶之曰感君至言然此大
事非僕所能行事至固當抱忠以沒耳及子業誅何
邁量慶之必入諫先閉青溪諸橋以絕之慶之果往

不得進子業乃使沈攸之

字仲達慶之從子

賜藥與飲慶之

不肯飲攸之以被擒殺之時年八十詐言病薨贈恤

甚厚

慶之子侍中攸謂其弟文季曰我能死爾能報遂飲慶之之藥而死文季揮刀馳馬而去遂

得免時王元謨數流涕諫子業以刑殺過差子業大怒元謨宿將有威名道路訛言云已見誅蔡興宗謂其典籤包法榮曰願軍殊為憂懼法榮曰領軍此日始不復食夜亦不眠恒言收已在門不保俄頃興宗

曰願軍憂懼當為方畧那得坐待禍至因使法榮勸元諡舉事元謨使謝曰此亦未易可行期當不泄君言耳將軍劉道隆專典禁兵與宗睿俱從夜出謂曰劉君此日思一閑寓道隆解其意拍與宗手曰蔡公勿多言沈文季字伯達劉道隆懷惟弟子閑寓謂思得清閑頗寓所懷也

宋主幽其諸父湘東王彧

文帝第十一子即明帝

等于殿內

子業畏忌諸父恐其在外為患皆拘于殿內毆捶陵

曳無復人理湘東王彧建安王休仁文帝第十二子山陽王

休祐文帝第十三子年長尤惡之

以彧肥謂之猪王謂休仁為殺王休祐為賊王東海

王禕性尤劣謂之驢王以木槽盛食裸或納泥水中使就槽食前後欲殺以十數休仁多智數每以談笑

佞說說之故得推遷少府劉朦妾孕臨月迎于後宮
侯生男以為太子或嘗忤旨子業裸之縛其手足擔
付大官曰今日屠猪休仁笑曰不若待皇太子生殺
取肝肺子業乃釋之及朦妾生子名曰皇太子為之
大赦
東海王禧字休秀文
帝第八子後改封廬陵王

宋江州刺史晉安王子勛舉兵尋陽

宋主子業以太祖世祖在兄弟數皆第三江州刺史
晉安王子勛亦第三故惡之因前何邁之謀事見上使

左右朱景雲送藥賜子勛死景雲至湓口停不進子

勛典籤謝道邁聞之馳告長史鄧琬

琬曰身南土寒
士蒙先帝殊恩

以受子見託豈得惜門戶百口則當以死報効主
昏暴社稷危殆雖曰天子事猶獨夫今便指帥文武
直造京邑與羣公卿士廢昏立明耳

琬遂稱子勛教令所部戒嚴子勛
戎服出聽事集僚佐使主帥潘欣之宣旨諭之四座

未對參軍陶亮首請効死前驅衆皆奉旨乃以亮為

諮議中兵總統軍事先是子業使荊州錄送長史張

悅

暢之弟

至湓口及是琬稱子勛命釋其桎梏迎以所

乘車以為司馬旬日得五千人出頓大雷移檄遠近

宋主殺南平王敬猷廬陵王敬先南安侯敬淵

子業召諸妃主列于前彊左右使辱之南平王鏐妃
江氏不從子業怒鞭妃一百殺其三子

宋弑其君子業而立湘東王彧

是為明帝

先是民間訛言湘中出天子子業將南巡荆湘以厭
之欲先誅湘東王彧然後發時三王久幽不知所為

湘東王彧主衣阮佃夫

會稽諸暨人

及子業左右壽寂之

風俗通壽姓吳王壽夢之後寂之吳興人

王敬則

臨淮射陽人

等陰謀弑子業

會巫覡言華林園竹林堂有鬼

先是子業遊竹林堂使宮人裸而相逐一

人不從命斬之夜夢在後堂有女子罵曰恃虐不道明年不及熟矣子業于宮中求得一人似所夢者斬之又夢所殺者罵曰我已訴上帝矣于是巫覡言堂中有鬼

子業出華林園休仁

休祐並從或獨在秘書省不被召益憂懼初子業既

殺諸公恐羣下謀已以直閣將軍宗越

南陽人

沈攸

之等有勇力引為爪牙宿衛之士皆畏之及是以將

巡荆湘越等並聽出外裝束子業悉屏侍衛與羣巫

絲女捕鬼親自射之事畢將奏樂壽寂之抽刀前入

子業見寂之至引弓射之不中絲女皆迸走子業亦

走大呼寂寂者三寂之追而弒之宣令宿衛曰湘東
王受太皇太后令除狂主今已平定休仁就秘書省
見或卽稱臣引升御座召見諸大臣猶著烏帽休仁
呼主衣以白帽代之凡事悉稱令書施行宣太皇太
后令數子業罪惡命湘東王纂承皇極

子業母弟豫章王子尚頑

悖有兄風及會稽公主皆賜死休仁等始得出居外
舍子業猶橫尸太醫閣口蔡興宗謂僕射王戎曰此
雖凶悖要是天下之主宜使喪禮粗足論功行賞壽

若直如此四海必將乘入乃葬之秣陵
寂之等十四人封爵有差以東海王禕為中書監太

尉晉安王子勛為車騎將軍開府儀同三司建安王

休仁為司徒尚書令揚州刺史或卽位大赦子業時

昏制謬封並皆刊削

以劉道隆為中護軍道隆暱于子業嘗無禮于建安太妃至是

建安王休仁求解職宋主乃賜道隆死宗越等內不自安沈攸之以聞皆伏誅攸之復入直閤

宋雍郢荊州會稽郡皆舉兵應尋陽

鄧琬與陶亮等繕治器甲徵兵四方雍州刺史袁顗

與參軍劉胡

南陽湟陽人

起兵奉表勸子勛即大位子勛

傳檄建康稱孤志遵前典廢幽陟明而湘東王或矯

害明茂

謂宋主賜諡章王死也

篡竊大寶藐孤同氣猶有十三

聖靈何辜而當乏饗于是郢州刺史安陵王子綏

字寶

附孝武第四子

荊州刺史臨海王子項

注見前

會稽太守尋陽

王子房

字孝良孝武第六子

皆舉兵以應子勛

西宋泰始二年魏顯祖年獻文帝弘天安元年

春正月宋遣建安王休仁討江

州晉安王子勛遂稱帝

宋以建安王休仁都督征討諸軍事江州刺史王元

謨副之以沈攸之為尋陽太守將兵屯虎檻

洲名在太平府

繁昌縣
東北

鄧琬詐稱受路太后璽書帥將佐上尊號于

子勛子勛遂即位改元義嘉以琬及袁顗為僕射張

悅為尚書

徐州刺史薛安都冀州刺史崔道固青州刺史沈文秀義陽內史庾應蚌行會稽郡

事孔鯤吳郡太守顧琛吳興太守王曇首義興太守

劉延熙晉陵太守袁標益州刺史蕭惠開和州行事

何慧文廣州刺史袁粲遠梁州刺史柳元怙山陽太

守程天祚皆附于子勛崔道固清河人沈文秀字

仲遠慶之弟子顧琛字弘緯吳人蕭

惠開思話之子柳元怙元景之從兄四方貢計皆歸

尋陽朝廷所保惟丹陽淮南數郡而東兵會稽諸

郡之兵又

已至永世

晉縣唐廢故城在今鎮江府溧陽縣

宮省危懼

宋主謀于庾臣蔡興宗曰

今普天同叛人有異志宜鎮之以靜至信待人叛者親戚布在宮省若絕之以法則土崩立至宜明罪不相及之義物情既定人有戰心六軍精勇器甲犀利以待不習之兵其勢相萬矣願陛下勿憂建武

司馬劉順說豫州刺史殷琰

字敬珉孝祖族子

使應尋陽琰

初以家在建康未許尋為參軍杜叔寶

坦之子

所制不

得已而從之

宋主復謂興宗曰諸處未平殷琰已復同逆為之奈何興宗曰逆之與順臣無

以辨然今商旅斷絕而米甚貴賤四方雲合而人情更安以此卜之清蕩可必但臣之所憂更在事後猶羊公言既平吳後方當勞聖慮耳宋主知琰附尋陽非本意乃厚撫其家以招之時內外憂

危咸欲奔散兗州刺史殷孝祖帥兵還建康

宋主遣孝祖之

甥賴川荀僧韶說孝祖入朝孝祖卽日帥文武二十人東還所領皆僧徒壯士荀僧韶通鑑作葛今依

南史人情大安乃假孝祖節督前鋒遣向虎檻分兵遣

山陽王休祐督將軍劉勔字伯猷彭城人呂安國廣陵人等討

殷琰巴陵王休若文帝第十子督將軍沈懷明吳興武康人蕭

道成等討孔覲先是宋主微覲為太子詹事使都水使者孔瑛入東慰勞瑛說覲以建康

虛仍不如推郡以應袁鄧覲遂發兵馳檄奉尋陽已至是覲遣其將屯晉陵部陳甚盛孔瑛覲從弟已

而殿中御史吳喜將兵克義興喜請于宋主願得精兵三百致死于東宋主簡

羽林勇士配之喜性寬厚數使東吳人皆懷之及聞其來皆望風降散喜進逼義興諸壘皆潰劉延熙赴

水死將軍江方興濟陽考城人

御史王道隆攻拔晉陵及吳

興吳郡

尤懷明等與東軍相持久不決來主遣方興道隆至晉陵道隆激厲諸將急攻拔之孔瑛

時孔吳興與袁標王曇首顧琛皆棄郡奔會稽

喜等遂進攻會稽克之

喜等引兵

向會稽取西陵上虞令王晏起兵攻郡執尋陽王子房孔覲出走為晏所獲及琛皆斬之顧琛等詣喜歸罪喜宥之送子房建康貶松滋侯上虞漢縣庾代因之今屬浙江紹興府西陵渡名在紹興府蕭山縣西後五代時吳越改名西興

宋太后路氏殂

太后聞子勛建號心幸之延宋主置酒進毒宋主覺

之即以其卮上壽是日太后殂

二月魏丞相太原王乙渾謀反伏誅太后稱制

渾專權多殺侍中拓跋丕

烈帝之元孫
後封東陽王

告其謀反馮

太后收渾誅之遂臨朝稱制

引中書令高允中書侍郎高閭及賈秀共參大

政

秋八月宋臺軍

六朝以禁城為臺城禁軍為臺軍

克江州殺子勛

先是宋臺軍敗于赭圻

注見前

殷孝祖中流矢死

鄧琬遺其

將以萬人據赭圻陶亮以二萬衆屯鵲洲孝祖負其誠節陵轢諸將每戰常以鼓蓋自隨軍中相謂殷統

軍可謂死將矣與賊交鋒而以羽儀自標顯若人情
十人射之欲不覺得乎及攻赭圻果中流矢死

震駭宋主以沈攸之代將擊尋陽軍大破之

先是江方與吳

喜既克三吳宋主遣擊尋陽及殷孝祖死衆謂沈攸之當代為統督攸之以方與名位相亞必不為已下乃讓之方與大悅明日帥諸軍進戰大破南軍會宋主以攸之假節代孝祖督前鋒吳喜亦以所領五千人至攸之乃帥諸軍圍赭圻時鄧琬遣劉胡東屯鵲尾衆十餘萬胡宿將勇健屢有戰功將士畏之攸之逆擊胡大敗被創走攸之遂拔赭圻宋主遣尚書褚淵至虎檻選用將士時以軍功除官者衆板不能供

始用黃紙

已而鄧琬以軍久不決乃以子勛命徵袁顗于

襄陽以為都督

顗本無將畧性又怯抗在軍中未嘗戎服唯賦詩談義不復撫接諸將由

此大失人心劉
胡尤切齒怨恨

與臺軍相拒于濃湖

在繁昌縣西今
荻港其餘浸也

將軍張興世

字文德
竟陵人

越鵲尾上據錢溪

在池州府貴
池縣東亦曰

梅根渚者東即古
梅根錢監故名

斷南軍糧道劉胡攻之不能克攸

之復擊破濃湖軍胡遁去顗亦走

興世既據錢溪顗
遣胡攻之屢為興

世所敗攸之遂進攻濃湖拔其營柵大破之于是江
路阻斷胡軍乏食夜走顗聞之亦棄衆西奔建安王

休仁勤兵入其營納降卒十萬顗至鵲頭
為人所殺胡走入沔竟陵丞陳懷直斬之

八月攸之

進兵克江州張悅斬琬齋首詣建安王休仁降

琬憂
惶無

計張悅稱疾呼琬計事令左右伏甲帳後以索酒為
約琬至悅問計琬曰正當斬晉安王封府庫以謝罪

耳悅曰今日寧可賣殿下以求活邪
因呼酒伏發斬琬單舸齋首以降

子勛被執攸之

斬之傳首建康休仁入尋陽遣吳喜等向荆郢雍湘

豫章平諸餘寇

袁曇遠為始興人所殺龐孟蚪走蠻中死何慧文自殺崔道固程天祚柳

元怙皆請降海陵王子頊為治中宗景所執送建康
荆州行事孔道存郢州行事張沈及劉順等餘黨皆
誅伏

九月魏立郡學

魏初立郡學置博士助教生員從高允之請也

冬十月宋主殺其兄之子安陸王子綏等十三人

宋主既誅子勛又殺安陸王子綏臨海王子瑱邵陵王子元建安王休仁言于宋主曰松滋侯兄弟尚在非社稷計宜早為之所于是子房等十人皆賜死世祖二十八子于此盡矣

宋徐州刺史薛安都叛降于魏

宋徐州刺史薛安都遣使乞降于建康宋主以南方已平欲示威淮北命張永沈攸之將兵五萬迎安都

蔡興宗曰安都歸順不虛正須單使尺書今以重兵迎之勢必疑懼安都外據大鎮宗過邊疆地險兵彊

尤宜馴養如其外叛招引北寇將為朝廷肝食之憂
宋主不從謂蕭道成曰吾今因此北討卿意以為何
如對曰安都狡猾有餘以兵逼之非國之利宋主亦不聽
安都聞大兵北上懼而

降魏魏遣將軍尉元等救之元至安都出迎

元不禮于安都

安都悔降復謀叛元知之不果發乃重賄元等元遂隱之張永等進逼彭城攻之

不克會天大雪士卒凍死大半永等棄城走尉元邀

其前安都乘其後大破永等于呂梁

山名在徐州府銅山縣東南其

下即呂梁洪列子稱孔子觀于呂梁懸水三十仞流沫四十里即此

之東死者萬數枕

尸六十餘里永及攸之僅以身免

宋主召蔡興宗以敗書示之曰我愧

卿甚初汝南太守周矜起兵以應建康袁顗遣司馬
常珍奇執斬矜以珍奇代為太守前泰山太守畢衆
敬奉使詣兗州募人薛安都說之叛建康使行兗州
事及尋陽平皆請降于建康會安都叛宋珍奇亦以
懸殊降魏魏以師迎之衆敬以其子在建康彼誅魏
師至亦降珍奇尋復歸宋衆敬遂仕于魏宋由是夫
北四州及豫州淮西之地乃僞立兗徐青冀諸州兗
州治淮陰徐州治鍾離青冀治鬱洲虛置郡縣荒民
無義常珍奇汝南人畢衆敬東
平頃昌人鍾離鬱洲注俱見前

宋立子昱

即後廢帝

為太子

宋主無子嘗以宮人陳氏賜嬖人李道兒已復迎還
生昱又密取諸王姬有孕者內之宮中生男則殺其

宋主於孝武之
子錄戡無道而
口為呂秦中管
之續天理盡人

如欲不再傳
七得乎

母而使寵姬母之

宋豫州益州平

先是劉勔至壽陽殷琰與杜叔寶欲降以衆心不一復嬰城固守及是宋主使中書為詔諭琰

蔡興宗曰叛亂既定

是琰思過之日宜手詔以慰引之今直中書為詔彼必疑之非所以速清方難也不從

琰得詔

疑勔詐為之欲降于魏主簿夏侯詳

字叔業譙人

極陳不

可琰乃帥將佐出降勔悉加慰撫不戮一人入城約

勒將士秋毫無犯壽陽人大悅初尋陽兵起蕭惠開

集益州將佐謂曰湘東太祖之昭晉安世祖之穆其
于當璧並無不可但景和本世祖之嗣不任社稷其
次猶多吾荷世祖之眷當奉九江乃舉兵應之及尋
陽平宋主遣惠開弟惠基使成都赦惠開惠開乃降
召還建康

御批歷代通鑑輯覽卷三十八